



## AALAJANGIINEQ

### “Nuummi Vandsøvej-imi ajornartoorfimmi innaallagissiofimmik isaterineq”

5. august 2016 Nukissiofiiit (tamatum kingorna maalaarutigineqartoq) suliariumannittussarsiuussinermi neqeroorpoq, “Nuummi Vandsøvej-imi ajornartoorfimmi innaallagissiofimmik isaterineq” pingaarnertut tamanut suliariumannittussarsiuutigalugu.

Suliassamik tunniussinissamut piumasaqaataavoq “Akikinnerpaanik” sullissiu-malluni neqerooruteqartoq.

Suliffeqarfiit ukua sullissinissamut neqerooruteqartuupput:

1. *Entreprenør A*
2. *Entreprenør B*

13. september 2016 suliariumannittussarsiuineqarpoq, ullorlu taanna suliariumannittussarsiuinermi imaqarniliaq neqeroortunut nassiunneqarpoq.

Allakkami 11. oktober 2016-imeersumit *Entreprenør B* nalunaarusiamik tigusi-voq, maalaarutigineqartup sulisitsisoq *Entreprenør A* isumaqatigiissuteqarfigisimavaa.

Ulloq 27. oktober 2016 Kalaallit Nunaanni Sulisitsisut (matuma kingornagut maalaartutut taagorneqartoq), maalaarummik Neqerooruteqartitsisarnermut Maalaaruteqartarfimmut tunniussivoq, *Entreprenør B*. sinnerlugu. 20. december 2016-imi aalajangiisartut ataatsimiinnerminni maalaarut oqaasiinnartigut suliarisimavaat.

Maalaaruteqartup makkua piumasaqaatigivai:

- Maalaaruteqartarfiup paasissavaa maalaarutigineqartup neqeroortut marluusunit aappaa suliassanik isumaqatigiissuteqarfigisimammagu, isumaqatigiissuteqarfigineqartullu suliarinninnissamut neqerooruteqarnermi piumasaqaatit naammassisimangikkai.
- Maalaaruteqartarfiup maalaarutigineqartoq *Entreprenør B* taarsiivigeq-qussavaa, *Entreprenør B-p* neqerooruteqareernerme kingorna iluanaaru-taasussaagaluit amerlassusaannik angusimasinnaagaluagaannik, tassa maalaarutigineqartup pisussaaffigisaatut, *Entreprenør B-p* suliassaq pisimasuuppasuk.
  - Taarsiullugu Maalaaruteqartarfiup maalaarutigineqartoq isumaqatigiissummi soqutigisanut sunniuteqarnerluttunut taarsiissu-tissanik akiliisussanngortissavaa, Maalaaruteqartarfiup maalaaru-

3. januar 2017  
Sagsnr. 2016-15756  
Dok. Nr. 15983411

Postboks 909  
3900 Nuuk  
Tlf. (+299) 34 50 00  
E-mail: box909@nanoq.gl  
www.neqeroorut.gl

teqartuq isumaqatigiisummi soqutigisanut pitsaasumik sunniuteqartunut *Entreprenør B*-mut akiliisussanngortissimanngippagu.

Maalaarutigineqartup piumasaqaatai:

1. Maalaaruteqartup piumasaqaatai akuerineqassanngitsut,
2. Maalaarutigineqartuq taarsiisussaaitaanerminut pinngitsuutinneqassa-soq, kisianni neqerooruteqarneq atorunnaarsinneqassanngitsoq, Maalaaruteqartarfiup neqeroortitsisarnermut inatsisip unioqqutinneqarsimanageratut nalilissagaluarpaguluunniit.

Maalaaruteqartuq naatsorsuisimavoq, *Entreprenør B-p* pitsaasumik eqquuttumik soqutigisaqarnerup pilersitaanik annaasai ima isikkoqarput:

Neqeroorutaasut:	1.370.450,00 kr.
Ilanngaatit	
Atortussanut aningaasartuutit naatsorsuussat	70.000,00 kr.
Akissarsianut aningaasartuutit naatsorsuussat	800.000,00 kr.
Aningaasartuutit allat	220.000,00 kr.
Iluanaarutit	280.450,00 kr.

Pitsaanngitsumik isumaqatigiisummik soqutigisaqarnerup piffissaq tunngavigalugu 11200,00 kr-mut naatsorsorneqarsimavoq *Entreprenør B-p* neqerooruteqarnermini misissuinermi atorsimasaanik, paasissutissanik aallernermi, neqeroorummik suliarinninnermik taavalu misissuinermi.

### **Suliami pissutsit**

5. august 2016-imi suliarinnittussarsiuussinermi (Ilanngussaq 1) ilaatigut takuneqarsinnaavoq:

”...

Entreprenøri suliassap naammassinissaanut piukkunnaateqarpat, Nukissiorfiup nalunaarutaa “Pisortanut akiligassanik akiliisimanninneq pillugu ilumoorluinnarluni nalunaarut il.il.” atsiorsinnaasariaqarpaa piumasaqaatillu naammassimassallugit.

...

Suliariumannittussarsiuussinerup ingerlanneqarnissaa:  
Marlunngorneq 13. september 2016, nal. 11:00

Nukissiorfiit Qullersaqarfiani, Ini ataatsimiittarfik 2, Issortarfimmut nr 3,  
3905 Nuussuaq, neqeroortut peqataanissaminut kissaateqartut najuunneranni.

...

Ilanngussaq: Ilanngussaq 1, neqerooruteqartitsinermi atortut immikkut suliarineqarsimaneramik nalunaarsuut.

...

Suliarinnittussarsiuussinissamut ilanngunneqarsimasut ilagisimavaat "Pisortanut akiligassanik akiliisimanginneq pillugu ilumoorluinnarluni nalunaarut il.il.". Nalunaarummi oqaasertat aallartinnerani ilaatigut takuneqarsinnaavoq:

"...

Pisortanut akiitsoqarneq imatut paasillugu akileraarutit, akitsuutit kiisalu isumaginninnikkut isumannaarinnissutinut neqerooruteqartup nunami inississimaffigisaani tapiissutit.

..."

Aammalu nalunaarummi takuneqarsinnaavoq:

"...

Matumuuna suliffeqarfiup ataani atsiornikkut ilumoorluinnarluni nalunaarutigaa neqerooruteqartitsinerup nalaani suliffeqarfik pisortanut akiitsunik akilerneqarsimangitsunik akiligassaqaangitsoq.

...

Akiitsunik pisortanut akiligassaqaartoqartillugu neqerooruteqartup ilumoorluinnarluni nalunaarutigissavaa neqeroorutip saqqummiutinnginnerani Akileraartarnermut Aqutsisoqarfik akilersuinissamut aaqjissuussinermik isumaqatigiissuteqarfigisimallugu, aaqjissuussinerlu taanna malinneqartoq.

Neqeroorutip saqqummiunneqarnerata uppersarsarneqarneranut atatillugu neqerooruteqartup kiisalu sanaartugassalerisut il.il. Akileraartarnermut Aqutsisoqarfianiit nalunaarut ilanngunneqarpoq.

Neqerooruteqartoq kinaluunniit neqerooruteqartitsinissamut peqataasinnaati-taanngilaq, neqeroortoq nalunaarummut atsiorsinnaangippat kiisalu ilanngussamik takutiisinnaangikkuni.

Sanaartortitsisoq paasissutissanik amigaataasunik aallernissamut imminut piginnaatippoq, neqerooruteqartitsisup neqeroorutaa tamakkiisuutinniarlugu.

Atsiortup matumuuna nalunaarutigaa, nalunaarut/ nalunaarutit Akileraartarnermut Aqutsisoqarfimmiit ilanngussat eqqortuusut aamma ullutsinnut naleqquttuusut, kiisalu akueralugu sanaartortitsisoq paasissutissanik oqartussanut susassaqaartunut paasinaasinnaaneramik.

...

*Pisortani imatut paasillugu pisortani oqartussat:*

- *Kalaallit Nunaanni*

...

Suliariumannittussarsiuussineq maalaarutigineqartup nittartagaani neqerooruteqartitsinermi tamanut allagarsiinikkut saqqummiunneqarpoq (Ilanngussaq K). Neqerooruteqartitsinikkut allagarsiinermi paasissutissat iluaqutaasinnaasut uteqqinneqarput, soorlu piffissaliussat kiisalu suliarinnittussarsiuussinermi piffissaq sumiiffissarlu. Aammalu suliasap pingaarnerup allaatiginninnera allagarsiinerup imarivaa. Allagarsiinermi takuneqarsinnaavoq suliasaq tunniunneqassasoq "akikinnerpaaq" piumasaqaatigalugu. Aammalu takuneqarsinnaavoq:

"...

Suliasamat piukkunnaateqassagaanni Nukissiorfiup nalunaarutaa "ilumoorluinnarluni uppersaaneq neriorsuuteqarnerlu" neqerooruteqartup atsiorsinnaasariaqarpaa kiisalu akileraaruseqarfimmiit nalunaarummik uppersaateqassalluni, suliffeqarfillu neqeroortoq kiisalu sanaartugassalerisut akilernerqarsimannngitsunik akiitsoqassanngitsut.

..."

Ulloq 13. september 2016 suliarinnittussarsiuussinissaq neqerooruteqartitsinikkut allagarsiinermi allaaserineqareersutut ingerlanneqarpoq. Suliarinnittussarsiuussinernerup imaqarniliaani (Ilanngussaq A) ilaatigut takuneqarsinnaavoq suliffeqarfiit marluk suliarinnittussarsiuussinermi peqataasimasut, kiisalu *Entrepreneur A-p* eqquutsitsinissamik uppersaaneermut nalunaarut immersorsimagaa kiisalu neqeroorutinik allattuisimalluni. Aammalu takuneqarsinnaavoq *Entrepreneur B* eqquutsitsinissamik uppersaaneermut nalunaarut immersorsimagaa, neqeroorutinik allattuisimalluni kiisalu akileraartarfimmiit nalunaarut ilanngussimallugu.

Ulloq 16. september 2016 *Entrepreneur B* mailimik maalaarutigineqartumut nassiussisimavoq (Ilanngussaq E), ilisimatitsissutigalugu maalaartoq attavigisimallugu sulisussarsiuussinermi akileraartarnermut oqartussanit nalunaarut minnerpaamik piumasaqaatitut isigineqassanersoq apeqqut pillugu.

Ulloq 20. september 2016 maalaarutigineqartup inatsisilerituaa mailimik uunga nassiussisimavoq: akitax@nanog.gl (Ilanngussaq F), qulequtaritillugu: "Pisortanut akilernerqareersimasussanik akiitsut?". [Entrepreneur A] TUA VIORTOQ! TUA VIORTOQ!". Mailimi inatsisileritooq ilisimatitsissutigeqqulluni noqqaavoq, *Entrepreneur A* maannakkorpiaq pisortanut akiitsoqarnerseq. Mailimi nalunaarut uppersaaneermut neriorsuiner nullu tunngasoq kakkiussimavoq, taannalu *Entrepreneur A-p* sulisussarsiuussinissaq sioqqullugu nassiussimavaa. Mailimi takuneqarsinnaavoq uppersaate Akiliisitsiniartarnermik immikkoortortaqarfimmoortuusooq.

Ulloq 21. september 2016 Inuussutissarsiuutitut aqutsisoqarfik kiffartuussinermut uppersaammik uunga tunniussivoq *Entrepreneur A* (Ilanngussaq L), taassuma ilaatigut takuneqarsinnaavoq suliffeqarfik qallunaat inatsisaat naapertorlugu pilersinneqarpoq aamma inatsimmut naapertuuttumik qallunaanut suliffeqarfiulluni, suliffeqarfiullu isumaginninnikkut isumannaarinnissutinik akiliinissamut Danmarkimi inatsisiliornermi aalajangersakkat naapertorlugit pisussaaffini naammassisimallugit, suliffeqarfiullu akileraarutinut akitsuutinullu akiliinissamut Danmarkimi inatsisiliornermi aalajangersakkat naapertorlugit pisussaaffini naammassisimallugit.

Mailimi 18. oktober 2016-imeersumit (Ilanngussaq J) Qaqortumi Akiliisitsinartarnermik oqartussaasut paasisutissiipput *Entrepreneur A* nalunaarsuiffimmi ilaasimangitsoq.

Ulloq 19. oktober 2016 maalaarutigineqartup suliniummik aqutsisua suliffiup iluani allakkiorsimavoq, qulequtaritillugu: "Neqeroorutinik takkuttunik sanilliussineq naliliinerlu" (Ilanngussaq D). Suliariumannittussarsiuussineq: pas 060-12-012 "Nuummi Vandsøvej-imi ajornartoofimmi innaallagissiorfimmik isaterineq". Allakkiami ilaatigut takuneqarsinnaavoq:

"...

Tamanna tassaavoq qulaani taaneqartut suliariumannittussarsiuussinermi neqeroorutinik takkuttunik sanilliussineq naliliinerlu.

#### **Siusinnerusukkat suliami misilittakkat**

Neqerooruteqartitsinermi atortut suliarineqarneranni suliassallu naatsorsorneqarnerani siornatigut suliarineqarsimasoq pas110.11.07 "Qasigianguani nukissiorfiup kiassaateqarfiutigisup teknikkikkut atortuinik isaterineq" 2011-meersoq misissuataarneqarsimavoq. Siornatigut suliaq tassaasimavoq motoorit pas060.12.012-imiit minnerit piarlugit aammalu atortut ataasiakkaat arlallit sannavimmiit qimaannarneqartariaqarsimapput. Suliassat taakku marluusut naammassinissaannut piffissaliussai sivikissimapput. Taamaattumik pas 060.12.012-ip akisulaamissaa nalilerneqarpoq, kisiannili pas110.11.07-imiit annertunerungaangitsumik.

...

Tamanna tunuliaqutaralugu pas 060.12.012-ip akia 400.000,- 600.000,- kr-imut naatsorsorneqarpoq.

...

#### **Naliliineq**

Aqutsisoqatigiinni siulittaasoq [HR] ataatsimeeqatigereerlugu aqaguani qulaani allassimasoq tunuliaqutaralugu aalajangerneqarpoq [Entrepreneur B]-miit neqeroorut ingerlateqqinneqassanngitsoq, akia naatsorsorneqartup marloriaataanik akeqarmat.

...

Aammalu allakkiami takuneqarsinnaavoq pas110.11.07-imi neqeroorutit tallimat tiguneqarsimasut, neqeroorut akikinnerpaaq 280.000,00 kr-nik akeqarsimavoq akisunerpaarlu 887.948,00 kr-nik akeqarsimavoq. pas060.12.012-imi, tassa uani suliame pineqartumi neqeroorutit marluk tiguneqarsimapput. Neqeroorut akikinnerpaaq 598.750,00 kr-nik akeqarsimavoq akisunerpaarlu 1.370.450,00 kr-nik akeqarsimalluni. Aammattaaq allakkiaq pas060.12.012-ip agguaanermi allattuiffiisa akiinik aalajangiinermi sanilliussinermik, taavalu agguaanermi allattuiffimmiittut suliassap suunersup allaatigineranik ima qarpoq.

Inuussutissarsiutinut aqutsisoqarfiup CVR pillugu nalunaarsukkat paasisstissartaanni *Entreprenør A* 14. november 2016-imeersumiit (Ilanngussaq G) ilaatigut takuneqarsinnaavoq ingerlatseqatigiiffik 30. juni 2016 pilersinneqarsimasoq.

### **Nassuiaatit**

Suliap oqaasiinnartigut sularineqarnerani ILO, JK aamma OZ nassuiaasorsimapput.

**ILO** ilaatigut paasisstissiisimavoq ingeniøritut ilinniarsimasuulluni pisortaanertullu *Entreprenør B-mi* ukiut marlussuit atorfeqarsimalluni. Suliffeqarfimmi allaffissornikkut suliassat suliassallu allat sularisarsimavai. Siornatigut suliffeqarfimmi allami ingeniøritut siunnersuisartut atorfeqarsimavoq, aamma savimnernerik betoninillu suliaqarneq misilittagaqarfigisimallugu.

ILO-p *Entreprenør B-p* neqeroorutaa sularisimavaa, soorlu ilaatigut aningaasartuutininik makkuninnga imalinnik:

– Atortut assigiinngitsut	70.000 kr.
– Akissarsiat	800.000 kr.
– Aningaasartuutit allat	220.000 kr.
– Katillugit	<u>1.090.000 kr.</u>

Aningaasarsianut aningaasartuutit SB-p paasisstissaata, sap. akunnerit 38-48 ingerlanerini suliassap naammassinissaata naatsorsuutigineqarnera tunngavigaa, tassa imaappoq sap. akunneri 10, sap. akunnerani ullut suliffiit 5, ullormut akunnerit 9. Suliassap allaatigineqarnera tunuliaqutaralugu ILO-p missiliuutigaa sulisut qulit suliap naammassinissaanut atorneqassasut. Piffissap atorneqartussap aalajangerneqarnerani ilaatigut suliffimmi isumannaallisaanikkut piimasaqaatit allallu eqqarsaatigineqarsimapput. Tamatuma saniatigut neqeroorutit sularineqarneranut aningaasartuutit ilaapput kiisalu nalorninarto-

qarnermi tapi. Tiimimusiaq 160,- kr-uppat ILO-p naatsorsorsimavaa tamakkiisumik 800.000 kr. aningaasarsiassanut aningaasartuutaassasoq.

Aningaasartuutit allat ilaatigut makkuupput, Kalaallit Nunaanniit Danmarkimut assartuinermi aningaasartuutit, tassunga ilanngullugu nunat taakkua marluk iluini assartuineq. Ilaatigut Royal Arctic Line-miit paasissutissat pissarsiarisimasat tunngavigalugit aningaasartuutit aallaaveqarput. Aammalu *Entreprenør B* suliap naammassisinnaanissaanut containerinik pisisariaqarsimavoq.

ILO nassuiaasimavoq sulisussarsiuussinerup peqataaffiginerani ukua aningaasartuutaassasut:

– Sulliviup misissorneqarnera, angutit 4, angut ataaseq akunnerit 8, tiimimut 160,- kr.	5.120 kr.
– Piffissamik atuineq (2 x akunnerit 8, akunnermut 160,- kr.)	2.560 kr.
– AK-p piffissamik atuinera	3.520 kr.
– Katillugit	<u>11.200 kr.</u>

ILO-p suliassat suliarinnittussarsiuussinermut attuumassuteqartut inuttut ilisimasaqarfigisimangilai, *Entreprenør B*-p suliassat taamaattut piffissami ILO-p atorfeqarnerata nalaani suliarisarsimanginnamigit. Ilisimasimangilaa *Entreprenør B* siornatigut K/V-atortunik annertulaartunik ingutserinermik misilittagaqarsimasoq. ILO isumaqarsimavoq suliassap neqeroortigineqartup suliarinnissaanut suliffeqarfik pisariaqartunik piginnaasaqarsimasoq.

**JK** nassuiaavoq massakkut ukioq ataaseq affarlu missaani maalaarutigineqartumi atorfeqarluni. Suliami pineqartumi suliniummik aqutsisuunikuusimavoq. Suliniutit akiisa naatsorsorneqarneranni suliniutit siornatigut naammassineqareersimasut, assingusut sanilliuussissutigineqarsinnaasullu aallaavigissallugit pissusissamisoorsimavoq. 2011-mi Qasigianguani nukissiorfiup/ kiassaateqarfiup isaterneqarnerani maannakkut kisitsisit misilittakkat pigineqarput. Tamanna tunngavigalugu Vandsøvej-imi ajornartoofimmi innaallagissiorfiup isaterneqarnissaanut atortussanut aningaasartuutissat 400.000-600.000 kr-qassasut maalaarutigineqartup naatsorsorsimavai.

Suliarinnittussarsiuussereernerup aqaguani naatsorsukkap annertussusaa tunngavigalugu maalaarutigineqartup ittuni HR eqqartueqatigisimavaa. Oqaloqatigiinnermi eqqaamasimavaa HR ilaatigut oqarsimasoq naatsorsorneqartup marloriaataanik neqeroorummik akuersinissamut periarfissaqanngilluinnartooq. Neqeroortut ataasiinnaasimasuuppat, tassa *Entreprenør B*-miit, suliarinnittussarsiuussinermik atorunnaarsitsineq pisimassagualuarpoq.

19. oktober 2016 (Ilanngussaq D) maalaarutigineqartup inatsisilerituaanit noqqaavigineqareernerup kingorna allakkiaq suliarineqarsimavoq. Nalinginnaa-

suusimangilaq neqerooruteqartunik qinersinissaq tunngavigalugu isumaliutigininnerit nalilersuinerillu pillugit allakkianik suliarinnineq.

5. august 2016-imi (Ilanngussaq 1) suliarinnittussarsiuussinissami oqaasertaliussani nalunaarut "Pisortanut akiligassanik akiliisimanginneq pillugu ilu-moorluinnarluni nalunaarut il.il." pillugu neqerooruteqartut atsiorsinnaasari-aqagaat piumasaqaataasimavoq pingaarutilik, kisiannili piumasaqaatitut anni-kinnerpaatut paasineqassanngitsaq. Piumasaqaalli neqerooruteqartut pisortanut akiitsoqaratarsinnaasunut paasissutissatut isigineqassanngitsaq, ilanngussallu saqqummiunnissaanut pisinnaassasut.

JK ilanngullugu paasissutissiivoq suliniut massakkut naammassereersimasoq, aammalu *Entrepreneur A* suliassamut aalajangersimasunik pingasunik sulisoqartut, kiisalu assartuinermi sulisoqarlutik. Sapaatit akunneri pingasut ingerlanerini suliassaq naammassineqarsimavoq. JK-p *Entrepreneur A* suliassamik taassuminnga paasisimasaqarluartutut isigisimavaa. Neqeroorutit takkuttut marluk akiisa assigiinnginnerujussuisa nassuiaataa tassaasinnaavoq neqerooruteqartup piffissaq neqeroorusiorfik atorsimasani aningaasartuutitut ilanngussimasinnaammagu, apeqqutaaginnarluni neqerooruteqartoq sulianik assingusunik misilittagaqarnerisq.

Sulisussarsiuussinerni maalaarfigineqartup apeqqutaatissanngilaa suliffeqarfiit neqeroortut Kalaallit Nunaanneernersut. Suliamut suleqatit piginnaasaqarnissaat misilittagaqarnissaallu maalaarutigineqartup salliutissimavaa. Suliassani minnerulaartuni immikkut sulisussamik pissarsisoqassatillugu maalaarutigineqartup sumiiffimmi suliffeqarfiit akulikitsumik atortarsimavai, sumiiffiummi attaveqaatinut ilisimasaqarluarnerata, ilaalu ilanngullugit, nalinginnaasumik suliap akikinnerusumik naammassinissaanut periarfissisarmat. Sumiiffimmi suliffeqarfiit maalaarutigineqartup ilungersorluni misilittakanik katersinissaannut periarfissamik tuniniartarsimavai, soorlu suliniutinik annertunerusuni sanaartugassalerisumik sulisoqarluni, taamaasilluni sumiiffimmi suliffeqarfiit suliassat namminneq qanoq suliarinissaannut piginnaasaqalersinnaammata.

**OZ** sooq maalaarutigineqartup nalinginnaasumik piumasaqaatigisartagaa, neqerooruteqartut nalunaarut pisortanut akiitsut pillugit atsiortarnissaannut tunuliaqutaa erseqqinnerusumik nassuiaatigaa. Neqeroortoq pisortanut pisussaataitaaffini naammassisimanagit akikinnerusumik neqerooruteqarsinnaasuuppat naammaginarnavianngilaq. Taamaattumik maalaarutigineqartup kissaatigisimavaa neqerooruteqartut pisortanut annertuumik akiitsullit ilaatinnginnissaannut periarfissaqarumalluni.

Neqerooruteqartut akulikitsumik nalunaartarsimapput piffissaliusseq qaangertinagu Akileraartarfiup Aqutsisoqarfiata nalunaarut nassiuttarsimangikkaa.



Maalaarutigineqartup soqutigisarismavaa neqeroorutini sapinngisamik amerlanerpaanik takkuttoqarnissaanik, taamaattumik neqerooruteqartoq nalunaarummik piffissaq eqqorlugu tiguisimanngitsoq ilaatinnginnissaa kissaatigisimanngilaat. Pingaarnerpaaq tassaasimavoq ilumoorluinnarluni nalunaarummut atsiorsinnaaneq. Ilangussaq kingusinnerusukkat takkuppataq ajuunngilaq.

Maalaarutigineqartoq atortut akissaannik naatsorsuusiortuaannarsimavoq, sanaartornerup naammassinnginnerani suliniutip kontoanut siumoortumik naatsorsukkat ikineqartarlutik. Sulisussarsiuussinermi eqqartorneqartumi neqeroorutit marluk takkuttut sulisussarsiuussinermi piumasaqaatit naammassisimaneeraat OZ nalilersuisimavoq. Neqeroortut marluk suliassaq naammassisinnaasimavaat, kisiannili *Entreprenør B* akisuallaarsimalluni. OZ-p ingerlaannartumik aalajangersinnaasimanngilaa neqeroorutip akia annertuallaarsimappat, neqeroorut pisinnaanermut tunngasutut taaneqarsinnaanersoq.

Maalaarutigineqartup ilumoorluinnarluni nalunaarut qanoq sivistigisumik atorsimaneraa OZ-p erseqqinnerusumik nassuiarsinnaasimanngilaa, neqerooruteqartitsinermilu pineqartumi atorneqarsimalluni. Ukiualuit atorneqarsimavoq. Allagaq misissoqqinneqartarsimavoq, kingullermik ukioq imaluunniit ukiut marluk sinnerlugit. Ilumoorluinnarluni nalunaarut siusinnerusukkat saqqummersinneqartoq oqaasertaliussai erseqqinnerusumik ilisimasimanngilai. Isumaqaarsimavoq allagaq sukannernerulersinneqarsimasoq, tamatuma kingorna sakkukillineqarluni, taavalu kingusinnerusukkat sukannernerulersinneqaqqilluni. Sakkukillileereernerup kingorna sulisussarsiuussinermi Akileraartarnermut Aqutsisoqarfimmiit nalunaarutip saqqummiunnissaa pisussaaffiujunnaarsimavoq.

Ilumoorsimasinnaavoq sulisussarsiuussinernerup pineqartup nalunaarutigineqarnerata ullua tassaasimasoq 5. august, aammalu ulloq 13. september 2016 sulisussarsiuussineq ingerlanneqarsimasoq.

### **Illuatungeriit tunngavigisaat**

**Maalaaruteqartoq** uuma suliap pineqarneranut oqaatigisaminut tunaartaqarpoq, sooq maalaarutigineqartup neqeroorut *Entreprenør A*-meersup itigartittussaasimassagaluarnanut, Nuummi Vandsøvej-imi ajornartoofimmi innaallagissiofimmik isaterinermi tamakkiisumik suliarinnittussarsiuussinermi.

Maalaaruteqartarfiup aalajangissappagu *Entreprenør A*-p neqeroorutaa itigartitaasussaasimagaluartoq ataatsimiitsitaliaq isummersuissaaq *Entreprenør B* taarsiiffiqineqarnissaminut pisussaataasooq, maalaaruteqartup maalaarutigineqartoq sulisussarsiuussinermi neqerooruteqarnerata isumaqatiginninniarsimannginnerata kingunerisaanik, maalaaruteqartummi akikinnerpaaq neqeroortigisinnaagaluaruamagu, neqeroorut *Entreprenør A*-meersoq itigartinneqarsimasuuppat.

Suliami qitiutinneqartoq maalaarutigineqartup “Pisortanut akiligassanik akiliisimanninneq pillugu ilumoorluinnarluni nalunaarut il.il.” nalunaarutaanut attuumassuteqarpoq, kiisalu qanoq annertutigisumik aamma piffissap qanoq ilinernik neqerooruteqartut paasissutissanik piumasarineqartunik naammassinnissanersut.

Tassunga atatillugu oqaatigineqassaaq maalaaruteqartup maalaarutimi allakkiamini oqaatigisimagaa *Entreprenør A-p* sulisussarsiuussinermi nalunaarut saqqummiussimannimmagu.

Maalaarutigineqartup allakkatigut akissutimimi *Entreprenør A-p* nalunaarutaa saqqummiuppa. Maalaarutigineqartup uppersaanaeranut, takuuk suliami llanngussaq A, qupperneq 2, paasissutissat akileraartarnermut oqartussaasunit attuumassusillit, ilumoorluinnarluni nalunaarummi imarisat uppersarsinnissaat ilaangimmata.

Suliarinnittussarsiuussinissami maalaarutigineqartup neqerooruteqartitsinerup tunngavia titartarsimavaa, ilanngussaq 1-imi, qupp. 2. Suliarinnittussarsiuussinissaq 5. august 2016-imeersoq ilaatut ilanngunneqarpoq.

Suliarinnittussarsiuussinissami qupp. 1-imi takuneqarsinnaavoq: “Entreprenøri suliasap naammassinissaanut piukkunnaateqarpat, Nukissiorfiup nalunaarutaa “Pisortanut akiligassanik akiliisimanninneq pillugu ilumoorluinnarluni nalunaarut il.il.” atsiorsinnaasariaqarjaa piumasaqaatillu naammassisimassallugit.”

Kalaallit Nunaanni pisortanut akiitsut pingaaruteqartillugit maalaarutigineqartoq ilisimatitsisimavoq, kisiannili tamanna ilumoorluinnarluni nalunaarummut aaqqiagiinnginneruvoq, suliffeqarfiup najugaani pisortanut akiitsoqarnerup qanoq paasineqarnera naapertorlugu.

Uppersaammik akileraartarnermut oqartussaasunit attuumassuseqartunit ilanngussisoqassasoq nalunaarummi erseqqissarneqarsimavoq, nalunaarutip uppersassusia tunngavilersorniarlugu.

Pingaarutaa tunngavilersorneqassaaq oqaatigineqareerpat neqerooruteqartoq neqerooruteqartitsinerumi ilaasinnaatitaassanngitsaq, neqerooruteqartup nalunaarut atsiorsinnaanngippagu kiisalu ilanngussamik takutitsinnaanngikkuni.

Maalaarutigineqartup akissutimimi oqaatigaa, qupp. 2, quppernerup affaa kingulleq, Inatsisartut peqqussutaat nr. 3, 2. maj 1996-imeersoq § 7, imm. 1, tunngavigalugu, maalaarutigineqartup “aalajangersinnaavaa aalajangiinermi suliffeqarfiit akilerneqanngitsunik akileraarutinut, akitsuutinut imaluunniit

inuussutissarsiutitigut ilinniagaqarnermut sulisitsisut akiliutaannut akiligassa-qartoqarnera isigineqassasoq...”.

Tamanna maalaarutigineqartup tunngaviginiarpaa, tassa maalaarutigineqartoq nalilersuisinnaatitaammat ”*Entrepreneur A* Kalaallit Nunaanni pisortat oqartussaannut akiitsoqarnerasoq ...”.

Tassunga atatillugu § 7, imm. 1, Inatsisartut peqqussutaat nr. 3, 2. maj 1996-imeersoq atuuttoq tunngavigalugu sulisussarsiuussinermi maalaarutigineqartoq tunngavissaqanngilaq neqerooruteqartoq immikkut piumasaqarfigissallugu, neqerooruteqartorlu alla allaanernik immikkut piumasaqarfigissallugu.

Tamanna inatsisitigut sanaartornermut akiusunik isumaqatigiissutinut atugassarititaasut naligiissitsinissamik tunngaveqarnermut akerliussaaq. Inatsisartut peqqussutaat taaneqareersoq, § 7, imm. 1 lex specialis, lex generalis-imiit pinerullugu, inatsit tunngaviusoq naapertorlugu maalaarutigineqartoq pisinnaati-taaffiginerakkaminut tunngavissaqanngilaq, tassa § 7, imm. 1 naapertorlugu inatsisitigut sanaartornermut akiusunik isumaqatigiissutinut atugassarititaasut neqeroornermi avaqqunneqarsinnaanngimmata.

Taamaattumik piumasaqaatit neqerooruteqartitsinermi atortut tunngavilerne-qartariaqarput neqeroortunullu tamanut assigiimmik atuutsinneqassallutik, taamaattoqarnaviannigilarlu maalaarutigineqartoq nangaassuteqarluni pisima-guni taamalu immikkut *Entrepreneur A* qanoq qangalu pisortanut akiitsoqarsi-manera isiginiarsimappagu.

Nalunaarummi maalaarutigineqartup paasissutissat nalunaarummiittut Akile-raartarfiup Aqutsisoqarfimmiit nalunaarummik uppernarsaasernissaata pingaassusaa erseqqissarpaa. Tamanna ersersitsineq aalajangiinermi tunngavimmi neqerooruteqartitsinermi atortut piumasarineqartut, piffissami sulisussarsiuussinermi naammassineqareernissaannut qulakkeerinninneruvoq.

Sulisussarsiuussereernerup kingorna maalaarutigineqartoq, nangaassuteqarnini pillugu, neqeroortumiit paasissutissat amigaataasut aasinnaaneranut tunnga-vissaqanngilaq. Taamatut neqerooruteqartoq pineqartoq neqerooruteqartitsi-nermi atortut imaluunniit sulisussarsiuussinermi piumasaqaatit kingusinneru-sukkut naammassinninnissaanut periarfissaqalissaaq, sulisussarsiuussinerup siorna naammassinikuunngisaminik. Aammalu periutsip taamaattup qanoq sivistigisumik paasissutissat nassiuunneqarnissaannut utaqqisinnaaneq apeqqut pilersissavaa.

Taamalu inatsisitigut sanaartornermut akiusunik isumaqatigiissutinut atugassa-rititaasunut tunngatillugu sulisussarsiuussinermi neqerooruteqartut naligiisita-naviannigillat, taamaattumillu naliliinermi tunngavik neqeroorutip pisinnaanermut

tunngassuteqarnersoq tunngassuteqannginnersorluunniit neqerooruteqartut ataasiakkaat akornanni assigiinnaviarnatik.

Tassunga atatillugu *Entreprenør A-p* aatsaat qanittumi pilersinneqarsimanera sulisussarsiuussinermut soqutaanngilaq. Isiginiassagaannili, taamatullu uppersaateqarnissamut piumasaqaatinik *Entreprenør A* oqilisaallugu, naligiissitsinissamik tunngaveqarnermut akerliussaaq.

Tamatuma kingorna maalaarutigineqartup Kalaallit Nunaanni oqartussaasunit allakkiaminiillu, aamma massakkut qallunaanit oqartussaasunit paasissutissanik aallersimanera tamanna allanngortinnaviannigilaa.

Taamaattumik tunngavilersorneqartariaqarpoq *Entreprenør A* suliarinnittussarsiuussinermi neqerooruteqartitsinermi piumasaqaatinik naammassinnissimangitsoq, nalunaarutip imarisaanut uppersaateqartup nassiuussimangimmagu. Tamassuma kingunerisimassagaluarpaq neqeroorut *Entreprenør A*-meersoq pisinnaanngitsutut itigartinneqartussaasimagaluartoq.

Kisiannili maalaarutigineqartup *Entreprenør A* isumaqatigiissusiorfigiinnaruniuk una apequt pinngussaaq, sooq maalaarutigineqartup maalaartoq taarsiiviginissaanut akisussaassuseqarfigilissagaa.

Maalaaruteqartup akissuteqarnermini Eqqartuussiviit Qullersaaniit pineqaatissiissut malillugu oqaaseqatigiit issuarsimavai, aammalu piumasaqaatit pillugit neqerooruteqartitsisup neqerooruteqartoq sulisussarsiuussinermi eqqunngitsumik peerneqarsimasooq taarsiiviginissaanut akisussaaffeqalissasooq.

Maalaarutigineqartup atuutsippaa "eqqartuussut annikitsuararsuarmik nassuianeqartoq" atorlugu maalaarutigineqartoq maalaaruteqartup suliakkiutaanut isummernissamut periarfissaqarsimanginnera.

Maalaaruteqartup naatsorsuutigaa tassunga atatillugu eqqartuussivimmi suleriaatsip ilisimaneqarnissaa naatsorsuutigisariaqartoq, taamaakkaluartorli maalaaruteqartoq eqqartuussummut pineqartumut innersuussisimalluni, innersuussutigineqartut UfR 2012 2952 H-mi maalaarummeerlutik. Sapaatip akunnikkaartumik allaaserisanut periarfissaqanngikkaanni eqqartuussut aamma Højesteretip eqqartuussutit pillugit toqqorsiviani internettikkut pissarsiarineqarsinnaalluni.

Eqqartuussummi tassani suliariumannittussarsiuussinermi eqqunngitsumik suliariumannittussarsiuussisumiit ilaatinneqannginnermut atatillugu suliariumannittussarsiuussisumut akisussaannermut tunngaviit pillugit killissanik inissiisoqarpoq. Eqqartuussummi piumasaqaatit aalajangersakkanut aamma

Kalaallit Nunaanni suliariumannittussarsiuussineq pillugu inatsimmi atuuttunut innersuussivoq.

Suliariumannittussarsiuussisoq pisumi pineqartumi eqqartuussut naapertorlugu, maalaarutigineqartup suliariumannittussarsiuussineq atorunnaarsissimassagaluaraa pisinnaasoq uppersarsinnaassavaa, neqeroorut akikinnerusoq kisiannili pinngitsoornani piumasaqaataanngitsut neqeroorutaanera pissutigalugu itigartinneqarsimappat.

Neqeroorutip atorunnaarsinnissaanut maalaarutigineqartup periarfissaqarnerani nangaassuteqarsinnaanerani tamanna pisimangilaq.

Maalaarutigineqartup aamma maalaaruteqartumik isumaqatigiissuteqarnissamut aningaasaliissutit annertunerusut pisariaqartut angunissaat pisinnaangitsoq qularnarunnaarsissimangilaa. Tassunga atatillugu aamma maluginiarneqassaaq maalaarutigineqartoq maalaaruteqartumik, akikinnerpaamik neqeroorummik tunniussimasinnaasumik, isumaqatigiinniarsinnaasimanera, maalaarutigineqartup *Entrepreneur A-miit* neqeroorut itigartissimallugu.

Maalaarutigineqartup neqeroorut pillugu "kingornatigut pisariillisarneqarsimasup" missingersuutaa suliami tassani sunniuteqarsimassangilaq, maalaarutigineqartup annertunerusumik aningaasaliinissap anguneqarnissaanut periarfissanik misissuisimangippat.

Suliariumannittussaarsiuussinerup pissutsini atuuttuni atorunnaarsinneqarsimanera pillugu, eqqartuussummi siunnersuutigineqartutut, uppersaatinik erseqqissunik maalaarutigineqartoq taamaattumik qaqitsinnaasimangilaq. Taamaattumik højesterrettip eqqartuussutaa innersuunneqartoq iluaqutigalugu tunngavigisariaqarpoq maalaaruteqartup neqeroorutaa tiguneqarsimasussaagaluartoq, *Entrepreneur A-p* neqeroorutaa itigartinneqarsimasuuppat.

Maalaaruteqartup pisut malitsigisaannik annaasat, aamma maalaarutigineqartup suliariumannittussarsiuussinermi piumasaqaatinik unioqqutitsinerata akornanni pissutaasunik ataqatigiittoqarpoq. Maalaaruteqartup annaasai aamma maalaarutigineqartumut ilimagineqarsinnaapput.

Tamanna tunuliaqutaralugu naammagittaalliorfigineqartoq maalaaruteqartumut taarsiinissamut akisussaaffeqarpoq, maalaaruteqartoq isumaqatigiissuteqarsimagaluarpat maalaaruteqartup pissarsiarisimasinnaasaanik iluanaarutit annertutigisumik. Tassunga atatillugu suliami llanngussaq 5-imut innersuussisoqarpoq, taanna maalaaruteqartup peqataasut nassuiaataanit uppersarneqarluni.

Maalaarutigineqartup taamaattumik maalaaruteqartumut 280.450,00 kr-t akilissavai.

**Maalaarutigineqartoq** oqaatigisaminut iluaqutaasumik ilaatigut saqqummiuppaa maalaarutigineqartup sutigut tamatigut suliariumannittussarsiuussineq pillugu inatsimmi aalajangersakkat eqqortissimallugit. Neqeroorutit marluk pinngitsoornani piumasaqaataasunik imaqartutut isigineqarput. Neqeroorutit marluullutik neqerooruteqartup ilu Moorluinnarluni nalunaarummik atsiornissaa pillugu piumasaqaammik naammassisaqarput.

Neqerooruteqartut assigiinngitsumik suliarineqanngillat, tassa oqartussanut attuumassuteqartunut paasissutissanik amigaataasinnaasut pissarsiniarnissaq pillugu pissutsit neqerooruteqartunut marluusunut atuummat.

Suliariumannittussarsiuussinermi allakkiami oqaasertat "atsiorsinnaassaaq" atorlugu erseqqissarneqarpoq minnerpaamik piumasaqaat tassani pineqanngitsoq.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq kingusinnerusukkat allannguuteqartoq pillugu maalaarutigineqartumit ilaatigut oqaatigineqarpoq § 7 malillugu sanaartugassanut suliasanullu allanut suliffeqarfiit sulisussarsiarineqarnerini pisortani oqartussat aalajangersinnaavaat aalajangiinermi suliffeqarfiit pisortanut akilerneqanngitsunik akiitsoqarnersut sillimaffigissallugu.

Maalaarutigineqartoq taamaalilluni suliariumannittussarsiuussinermi atortuni tamanna pillugu piumasaqaateqarnissamat piginnaatitaavoq.

Akiitsut akilersinniarneqartarnerat pillugu inatsisartut peqqussutaanni § 7-imi maalaarutigineqartoq missiliuinissamat periarfissinneqarpoq aamma maalaarutigineqartoq suliariumannittussarsiuussinermi atortumi piumasarisimallugu pisortanut akiitsut pillugit paasissutissanik tunniussisoqarsimanera nammineq uppersarsarneqarsimassasoq.

*Entrepreneur A* ingerlatseqatigiiffiusimavoq nutaatut pilersinneqarsimasoq (ulloq pilersinneqarfia 30 juni 2016, tak. Ilanngussaq L), taamaattumik oqartussat piffissami suliariumannittussarsiuussinerup nalaani ingerlatseqatigiiffik pillugu paasissutissanik peqarsimanatik.

Maalaarutigineqartoq suliariumannittussarsiuussinerup kingorna GER-imut isersinnaasimannigilaq, taamaalillutik taanna aqutigalugu *Entrepreneur A* nalunaarsorsimanersoq misissornissaanut periarfissaqarsimanani. Maalaarutigineqartup ulloq pilersitsiffiusoq tunngavigalugu naatsorsuutigisimavaa suliffeqarfik Kalaallit Nunaanni pisortani oqartussanut akiitsoqarsimassanngitsoq,

tamannalu akileraartarnermut oqartussaniit oqarasuaatikkut paasissutissatigut uppernarsarneqarluni. Kingorna paasissutissat allakkatigut uppernarsarneqarput.

Taamaaqataanik suliariumannittussarsiuussinerni il.il. peqataanissamut akiitsoqartut periarfissaasa killeqarnerat pillugu danskit inatsisaat (Inatsit nalunaarutigineqartoq nr. 336, 13. maj 1997-imeersoq [Inatsit atorunnaarsimavoq]) Kalaallit Nunaannut atuussimangilaq. Taamaattumik, danskit inatsisaat tunngavigalugit eqqartuussivinni suleriaatsinut innersuussinissaq isumaqartinneqangilaq.

Ilumoorluinnarluni nalunaarut tassani nassuiaat allanneqarsimasut 'pisortani oqartussat' pillugit maalaarutigineqartumit oqaatigineqarpoq pisortani soorunami Kalaallit Nunaanni pisortani oqartussat eqqarsaatigineqartut, tassa akileraartarnermut tunngasut tiguneqarsimammata.

Akileraartarnermut oqartussaniit nalunaarut piumasarineqartoq neqeroorummut ilanngunneqarsimanersoq imaluunniit ilanngunneqarsimanginnersoq piviusumik pingaaruteqarsimangilaq, tassa taanna kingusinnerusukkut pissarsiarineqarsinnaammat.

Suliariumannittussarsiuussinermi inerneq tunngavigalugu suliassamik tunineqarnermi maalaarutigineqartoq suliariumannittussarsiuussineq pillugu inatsimmi § 17 naapertorsimavaa, taanna naapertorlugu neqeroorummik akikinnerpaamik tunniussisumik taamaallaat isumaqatigiinniartussaavoq. Maannakkut *Entrepreneur A* akikinnerpaamik neqerooruteqarsimavoq, taamaattumillu maalaarutigineqartoq *Entrepreneur B-mik* isumaqatigiinniarnermik aallartitsinissamut inatsisitigut tunngavissaqarnani.

Missingersuutit inissineqarnerini naammagittaalliorfigineqartoq "kingornatigut pisariillismanermut" maalaarutigineqartup assortorsimavaa oqaatigalugulu ukiut tallimat sanaartornermut atatillugu piffissatut sivisuutut isigineqarsinnaangitsut. Taamaattumik 2011-imi naammassineqartumut suliassamit assingusumit misilittakkanit akit tunngavigalugit missingersuutit maalaarutigineqarsimasumit tunngavigineqarsimaneri illersorneqarsinnaalluni.

Pisortani oqartussatut maalaarutigineqartoq aningaasanut inatsimmit pituttugaavoq, taamaallillunilu sanaartornermi missingersuutit qaffannissaannut periarfissaqarnani. Suliariumannittussarsiuussinernup nalunaarutaani maalaarutigineqartup aamma neqeroorutit arlaannik tigusinissamut pisussaaffeqarnermut piumasaqaateqarsimavoq. Taamaattumik maalaarutigineqartoq *Entrepreneur B-p* neqeroorutaanut tigusinissamut pisussaaffeqarsimangilaq, *Entrepreneur A*-miit neqeroorutip atuuttuunnginnera apeqqutaatinnagu. Neqeroorutit taakku marluk akornanni 50-60 %-imik annertutigisumik nikingasoqarpoq aamma *Entrepreneur B-p* neqeroorutaa missingersuutit imak annertutigisumik qaangersimallugit

suliariumannittussarsiuussineq atorunnaarsinneqarsimasussaagaluarluni, taanna kisimiilluni neqerooruteqarsimappat.

Maalaarutigineqartup neqerooruteqartitsinermut najoqqutassani paasissutissiisutigineqartutut pisortani oqartussaasut suut Kalaallit oqartussaasuisut paasineqassanersut nassuiaatigaa, taamaattumillu nassuiaammik neqerooruteqartunut akornutaasumik atuisoqarsimanngilaq.

Maalaaruteqartuq taamaallaat taarsiinissamut piumasaqaateqarsinnaavoq maalaarutigineqartuq suliariumannittussarsiuussinermi atortuni kukkussuteqarsimappat. Taamaattorli maalaarutigineqartuq neqerooruteqarsimalluni, kukkussutaasinnaasut pillugit maalaarutigineqartumut uparuaanani, taamaattumik suliariumannittussarsiuussinermi atortut ajunngitsuusimani tunngavigineqartariaqarluni.

### **Naammagittaalliorfiup aalajangiinera**

Suliap taamatut Naammagittaalliorfimmut saqqummiunneqarneratut, aamma oqaatigineqartut taamatut oqaasertalersorneqartut, aalajangiisartut taamaallaat *Entrepreneur A-p* toqqarneqarnerani taarsiisussatut maalaarutigineqartuq akisussaatinneqarsinnaanersuq isummerfigisinnaavaat, tassa suliffeqarfik ulloq 13. september 2016-imi suliariumannittussarsiuussinermi Akileraartarnermut Aqutsisoqarfimmiit nalunaarummik nassiussisimanngimmat.

Maalaaruteqartup suliariumannittussarsiuussinermi atortuni kukkusoqarsimanagera imaluunniit *Entrepreneur A-p* allanik pissuteqartumik pinngitsoorani piumasarineqartutigit neqerooruteqarsimanagera atuutsinngilai.

Akileraartarnikkut paasissutissat pillugit suliariumannittussarsiuussinermi allagarsiinermi oqaasertat suliariumannittussarsiuussilluni allakkiami oqaasertanit allaanerupput. Oqaasertanit taakkuninnga marluusunit aalajangiisartut isumaqarput ulloq 5 august 2016-imi suliariumannittussarsiuussilluni allakkiami oqaasertat pituttuisuusut taamaattumillu suliama matumani aalajangiinissamut tunngavigineqartariaqarlutik.

Suliariumannittussarsiuussilluni allakkiamit takuneqarsinnaavoq pisortanut il.il. akiitsut akiligassat akilernerneqarsimanngitsut pillugit ilumoorluinnarnermik nalunaarummik maalaarutigineqartumik allanneqarsimasumik atsiorsinnaassasut piumasaqaatinillu naammassinnissimasasut.

Assortuussutaanngilaq *Entrepreneur A-p* piffissami suliariumannittussarsiuussinermi nalaani ilumoorluinnarnermik nalunaarummik naammassisaqarsimanagera atsiugaqarsimanageralu. Taamaalilluni Aalajangiisartut isumaqarput suliariumannittussarsiuussilluni allakkiami ilumoorluinnarnermik nalunaarummik



tunngasuni piumasaqaatit *Entrepreneur A-p* naammassisimagai maalaarutigineqartup qularnarunnaarsissimagai.

Aalajangiisartut isumaqarput tamanna allamik inerneqarsinnaanngitsaq ilumoorluinnarluni nalunaarutip immikkoortuani kingullermi imatut oqaasertalernerqarsimanera tunngavigineqarmat Akileraartarnermut Aqutsisoqarfimmiit nalunaarutip ilanngunneqarsimanissaa. Aalajangiisartut taamaalillutik suliariumannittussarsiuussinermi allakkiami oqaasertaliussaq qulaani eqqaaneqartoq immikkut pingaartippaat, tassani taamaallaat piumasaqaatigineqarluni ilumoorluinnarnermik nalunaarut atsiorneqarsimassasoq naammassineqarsimassallunilu.

Tamatuma kingorna maalaarutigineqartup neqerooruteqartut arlaannut suliariumannittussarsiuussinermi piumasaqaatinik naammassinninngitsumut maalaaruteqartup suliassamik tunniussisimanera pillugu maalaaruteqartup oqaaseqarnera aalajangiisartunit malinneqanngilaq. Taanna naapertorlugu maalaaruteqartup taarsiisoqarnissaanik tunngavissaqartoq qularnarunnaarsinngilaa.

Aalajangiisartut aalajangiipput maalaaruteqarnermi akiliut maalaaruteqartumut utertinneqassasut. Aalajangiisartut taamaalillutik ilaatigut suliariumannittussarsiuussinermi allakkiami oqaasertaliussat aamma ilumoorluinnarnermik nalunaarut pingaartippaat.

Maalaarutigineqartup suliariumannittussarsiuussinermi atortumini akileraartarnikkut tunngasunik paasissutissanik neqerooruteqartut saqqummiussinissaannik piumasaqartillugu suliariumannittussarsiuussilluni allakkiamit erseqqissumik takuneqarsinnaassaaq allagaatit suut neqeroorummut ilanngullugit nassiunneqassanersut. Aammattaaq neqeroorummit takuneqarsinnaassaaq allagaatini nassiunneqartuni paasissutissat neqeroorummik toqqaanermi qanoq pingaaruteqartiginersut. Suliami matumani suliariumannittussarsiuussinerup kingorna akileraartarnermut tunngasut paasissutissat nassiunneqarsinnaanerat pissarsiarineqarsinnaanerallu maalaarutigineqartup akuerisinnaappagu assigiinngisitsisoqarsimannginneranut peqataasunut qulakkeeruminaassaaq.

Tassunga ilanngutissaaq ilumoorluinnarnermik nalunaarutip ersernerluttumik oqaasertalersimanera nalinginnaasuunngitsunillu imaqarnera. Taamaalilluni ilumoorluinnarnermik nalunaarummi immikkoortumi siullermi atsiortoq akileraartarnikkut tunngasuni nammineq saqqummiussaminut paasissutissat akisussaaffigivai. Nalunaarutip ilaani kingusinnerusumi ilumoorluinnarnermik nalunaarnermik atsiortuusooq nalunaarummi allami ilanngunneqartumi Akileraartarnermut Aqutsisoqarfiup paasissutissaataanut akisussaaffiginniissasoq qinnuigineqarpoq. Pisortanit oqartussanit tunniunneqartup nalunaarutip

eqqortuunera uppersarsarlugu inuinnaap ilumoorluinnarermik nalunaaruteqarnissaa nalinginnaasuunngitsutut isigineqartariaqarpoq.

Suliariumannittussarsiuussinermi atortuni taamatut ersernerluttoqarnera aamma neqerooruteqartut assigiimmik suliarineqarnersut nalorninermik pilersitsivoq.

**Matuma kingorna aalajangerneqarpoq:**

Maalaarutigineqartoq pinngitsuutinneqarpoq.

Maalaaruteqarnermi akiliut utertillugu akilerneqassaaq.

Kirsten Thomassen

-----

Allatat eqqortuunerisa uppersarsarneqarneri.

Suliariumannittussarsiuussinermi maalaarutinut aalajangiisartut,  
ulloq 3. januar 2017.

---

Janus Køster

Suliariumannittussarsiuussinermi maalaarutinut aalajangiisartunut allatsi